

影印
文淵閣

四庫全書

影印

文淵閣四庫全書

第六四六冊

北京出版集團公司
北京出版社

本冊目次

漢官舊儀
補遺
大唐開元禮
諡法

漢衛宏撰……………一
唐蕭嵩等奉敕撰…………一九
宋蘇洵撰……………八九七

欽定四庫全書

史部
漢官舊儀卷上

詳校官編修臣錢樾

編修臣程嘉謨覆勘

總校官檢討臣何思鈞

分校官編修臣盧遂

謄錄監生臣施華

欽定四庫全書

史部十三

漢官舊儀

政書類二 儀制之屬

提要

臣等謹案漢議郎東海衛宏敬仲作漢舊儀

四篇以載西京雜事見於范書本傳隋唐經

籍藝文志漢舊儀四卷宋史藝文志三卷俱

著於錄馬端臨經籍考卷目與宋志同而別

題作漢官舊儀陳振孫書錄解題遂以其有

欽定四庫全書

漢官舊儀
提要

漢官之目疑非衛宏本書或又以為胡廣所

作後亦佚不復傳世所見者獨前後漢書注

及唐宋諸書所引而已今永樂大典所載此

本亦題漢官舊儀不著撰人名氏其間述西

京舊事典章儀式甚備且與諸書所引漢舊

儀之文參校無弗同者自屬衛宏本書其稱

漢官舊儀者或後人因其所載官制為多妄

加之耳至漢書注中頗有稱胡廣曰者與漢

舊儀互引其文亦絕不相合惟廣傳載廣著

詩賦銘頌及解詁二十二篇而史注所引別

有漢官解詁之名蓋即廣所作而舊儀之常

出衛宏手益無疑也此本舊時失於警正首

尾序次錯糅文字至脫誤不可乙今據史文

覈勘且旁徵舊書參析同異疏於各句下方

其原有注者略仿劉昭注續漢志例通為大

書稱本注以別之釐為上下二卷又前後漢

欽定四庫全書

漢官舊儀

三

紀志注及唐宋類書內所引佚文頗多蓋此

書遞更顯晦已非完本謹為蒐擇甄錄別為

補遺一卷附於其後以畧還宋志篇目之舊

云乾隆四十六年正月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

漢官舊儀卷上

漢 衛宏 撰

皇帝起居儀官司馬內

按元帝紀初元五年官司馬中注應劭曰官司馬中者宮內門

也據此則此內字與中字義同

百官案籍出入警衛周廬晝夜誰何殿

外門署屬衛尉殿內郎署屬光祿勳黃門鈞盾署屬少

府輦動則左右侍帷幄者稱警車駕則衛官填街騎士

塞路出殿則傳蹕止人清道建五旗丞相九卿執兵奉

欽定四庫全書

漢官舊儀

一

引乘輿冠高山冠飛羽之纓

按晉書輿服志引此文作漢官儀又飛羽作飛翮

幘耳赤丹紉裏

按續漢書輿服志劉昭補注引此文裏下有木字

帶七尺斬蛇

劍履虎尾鈎履諸王歸國稱從

皇帝六璽皆白玉螭虎紐文曰皇帝行璽皇帝之璽皇

帝信璽天子行璽天子之璽天子信璽凡六璽皇帝行

璽凡封

按此句有脫字應云凡封命用之

之璽

按此句應云賜諸侯王

書信璽

按此句應云皇帝信璽

發兵其徵大臣以天子行璽策拜

外國事以天子之璽事天地鬼神以天子信璽

按此條皇帝行

璽下各句並有脫字續漢書與服志注所引亦同惟隋書禮儀志稱皇帝行璽封命諸侯及三公用之皇帝之

璽與諸侯及三公書用之皇帝信璽發諸夏兵用之文義完備謹參校以正其缺入漢書霍光傳皇帝信璽行

璽孟康注天子之璽自佩行璽信璽在符節臺亦可考見漢時藏璽之制併附著之以補此文所未備 皆

以武都紫泥封青布囊按續漢書與服志注引此文無布字白素裏兩端

無縫尺一板中約署按此句疑有脫字皇帝帶綬黃地六采按

采舊作赤采似誤入攷宋書禮志引漢制皇帝黃赤綬四采黃赤綬紺亦與此互異今據續漢書與服志注校

正不佩璽按續漢書志注引此以金銀膝組侍中組負

以從秦以前民皆佩綬以金玉銀銅犀象為方寸璽各

欽定四庫全書

服所好奉璽書使者乘馳傳其驛騎也三騎行晝夜行

千里為程

太官尚食用黃金鉈器中官私官尚食用白銀鉈器

中官小兒官及門戶四尚中黃門持兵三百人侍宿按

書百官公卿表百官志皆不載小兒官及門戶四尚官名

冗從吏僕射按續漢書百官志中黃門冗從僕射一人六百石此句首疑脫中黃門三字吏字疑

亦行出則騎從夾乘輿車居則宿衛直守省中門戶

本注曰省中禁中也成帝外家王禁貴重朝中為諱禁

故曰省

中常侍宦者秩千石得出入卧內禁中諸宮

侍中無員或列侯將軍衛尉光祿將大夫郎為之得舉

非法白請及出省戶休沐往來過直事

御史員四十五人皆六百石其十五人衣絳給事殿中

為侍御史宿廬左右渠門外二人尚璽四人持書給事

二人按漢書百官公卿表僕射御史治書尚符璽者有印綬續漢書百官志治書侍御史二人此大持字

疑當侍中丞一人領按漢書志治書侍御史大夫為司空別留中丞為御史臺率而侍中

欽定四庫全書

乃列侯以下入侍禁中者所加官餘三十人留寺按寺名並無侍中丞之官侍字疑衍文

署也在司馬門內前漢書蕭望之傳注作三十人留守者非 理百官也

給事中無常員位次侍中常侍

尚書四人為四曹侍曹尚書按前漢書師古注引此文侍上有常字與續漢書志

合主丞相御史事二千石曹尚書主刺史二千石事民

曹尚書主庶民上書事客曹尚書主外國四夷事成帝

初置尚書員五人有三公曹主斷獄

尚書令主贊奏封下書按續漢書百官志字凡選署及奏下尚書文書眾事僕射

主閉封丞二人主報上書者兼領財用火燭食厨漢置

中官領尚書事中書謁者令一人成帝建始四年罷中

書官以中書為中謁者令

尚書郎四人勾奴單于營部二郎主羌夷吏民曹一

郎主天下戶口墾田功作謁者曹一郎主天下見錢貢

獻委輸按晉書職官志漢置尚書郎四人一人主勾奴單于營部一人主羌夷吏民一人主戶口墾田

一人主財帛委輸與此文少異疑二郎當作一郎勾奴單于上脫一郎主三字

中臣在省中皆白請其官者不白請尚書郎宿留臺中

欽定四庫全書

漢官舊儀

四

官給青練白綾被或錦被帷帳襜褕通中枕太官供食

湯官供饘餌果實下天子一等給尚書郎伯二人女侍

史二人皆選端正者從直伯送至止車門還女侍史執

香爐燒薰從入臺護衣

黃門令領黃門謁者騎吹曰冗從僕射一人領髦頭

左曹日上朝謁秩二千石

右曹日上朝謁秩二千石

黃門郎屬黃門令日暮入對青鑠門拜名曰夕郎

五官中郎將秩比二千石主五官郎中

左右中郎將秩比二千石主謁者常侍侍郎以贊進

本注曰左主謁者右主常侍侍郎

五官屬光祿勳不得上朝謁兼左右曹諸吏得上朝謁

郎中令主郎中按漢書注主郎內諸官左車將主左車郎右車將

主右車郎左戶將主左戶郎右戶將主右戶郎按漢書如淳注

引漢儀注秩皆比千石獨郎中令比二千石按郎中令與此文同

元年更名光祿勳此文前後皆言光祿勳獨此條言郎中令杜預所謂史駁文也又續漢書百官志光祿勳卿

欽定四庫全書

漢官舊儀

五

一人中二千石此云比二千石疑有誤或漢初未更官名時舊制耳

黃門冗從持兵無數宣通內外宦者署尚書皆屬少府

殿中諸署五郎將屬光祿勳按上文五官左右三中郎將此言五郎將者蓋并虎賁羽林二中郎將為五也

宮司馬諸隊都候領督盜賊屬執金吾司

馬掖門殿門屯衛士皆屬衛尉按宋錢大子曰百官表尉屬官無衛司馬候

左右都候此云屬金吾者蓋執金吾徽迎宮外賓相表裏所謂聯事也中尉武帝太初元年更名執金吾

右中二千石二千石四官按少府光祿勳執金吾衛尉四官續漢志皆中二千石此

云中二千石二千石奉宿衛各領其屬斷其獄者蓋西漢時初制

期門騎者隴西工射獵人及能用五兵材力三百人行

出會期門下從射獵無員秩比郎從官名曰期門騎置

僕射一人秩六百石騎持五旗別外內王莽更名虎賁

郎按百官公卿表平帝元始元年更名虎賁郎遷補吏署

中郎將一人施施頭按中郎將一人謂羽林中郎將也考漢百官公卿表宣帝令中郎將

騎都尉監羽林霍光傳有諸吏中郎將羽林監任勝蓋

以中郎將或騎都尉監羽林騎故於本官上不冠以羽

林之號至後漢始置羽林中郎將為定職耳又東方朔

傳昇為施頭注引應劭曰施頭令以羽林為之髮正向

上而長衣繡衣在乘輿車前據此則屬羽林取三輔良

施施頭之文當為羽林所職無疑也

欽定四庫全書漢官舊儀卷上六

家子自給按宋錢文子補漢兵志引此文羽林下有從官七百八十五字自給下有鞍馬二字蓋舊本

脫此七字又漢書如淳注引漢孤兒無數按錢文子補

儀注亦云羽林從官七百人

有諸父死子代皆武帝時從軍死子孫不能自活養

羽林官比郎從官從車駕不得冠置令一人名曰羽林

騎孤兒

皇帝見諸侯王列侯起侍中稱曰皇帝為諸侯王列侯

起起立乃坐太常贊曰謹謝行禮皇帝在道丞相迎謁

謁者贊曰皇帝為丞相下與立乃升車皇帝見丞相起

謁者贊稱曰皇帝為丞相起立乃坐太常贊稱敬謝行

禮宴見侍中常侍贊御史大夫見皇帝稱謹謝將軍見

皇帝稱謝中二千石見皇帝稱謝二千石見皇帝稱制

曰可太守見皇帝稱謝拜御史大夫為丞相左右前後

將軍贊五官中郎將授印綬拜左右前後將軍為御史

大夫中二千石贊左右中郎將授印綬拜中二千石中

郎將贊御史中丞授印綬拜千石六百石御史中丞贊

侍御史授印綬印綬盛以篋篋緣綈表白素裏尚書令

史捧西向侍御史東向取篋中印綬授者却退受印綬

者手握持出至尚書下乃席之丞相列侯將軍金印紫

綬綬中二千石二千石銀印青綬綬皆龜紐其斷獄者

印為章

漢初置相國史秩五百石後罷并為丞相史

丞相府司直一人秩二千石職無不監武帝初置曰馬

直官今省按馬直官當作司直官百官志本注曰世祖以武帝故事置司直居丞相府助督錄諸州

建武十八年省

列侯為丞相相國號君侯御史大夫為丞相更奏乃封丞相車黑兩轡騎者衣絳掾史見禮如師弟子白錄不拜朝示不臣也聽事閣曰黃閣無鐘鈴掾有事當見者主簿至曹請不傳召掾見脫履公立席後答拜百石屬不得白事當謝者西曹掾為通謝部吏二千石初除詣東曹掾拜部謁者贊之

丞相門無塾門署用梗板方圓三尺不堊色不郭邑署曰丞相府東門西門長史物故廷尉正監守

欽定四庫全書

漢官舊儀

卷八

丞相初置吏員十五人皆六百石分為東西曹東曹九人出督州為刺史西曹六人其五人往來白事東廂為侍中一人留府曰西曹領百官奏事長安給騎亭長七十八六月一更倉頭廬兒出入大車馬前後大車駢車中二千石屬官以次送從

丞相太尉大將軍史秩四百石

按漢書如淳注引漢儀注與此文同

丞相刺史常以秋分行部御史為駕四封乘傳

按漢書平帝紀

如淳注律當乘傳及發駕置傳者皆持尺五寸木傳信封以御史大夫印章其乘傳參封之參三也有期會累

封兩端端各兩封凡四封也乘置駟傳五封也兩端各二中央一也輅傳兩馬再封之一馬一封也據此則前人所云奉璽書使者到所部郡國各遣吏一人迎界上乘駟傳當駕五封矣

得載別駕自言受命移郡國與刺史從事盡界罷行載從者一人得從吏所察六條刺史舉民有茂材移名丞相丞相考召取明經一科明律令一科能治劇一科各一人詔選諫大夫議郎博士諸侯王傳僕射郎中令取明經選廷尉正監平案章取明律令選能治劇長安三輔令取治劇皆試守小冠滿歲為真以次遷奉引則大

欽定四庫全書

漢官舊儀

卷九

冠

武帝元狩六年初置大司馬

丞相司置諫大夫秩六百石丞相小史秩四百石次三百石百石書令史斗食缺試中二千書佐高第補因為騎史武帝元狩六年丞相吏員三百八十二人史二十人秩四百石少史八十人秩三百石屬百人秩二百石屬吏百六十二人秩百石皆從同秩補以為有權衡之量不可欺以輕重有丈尺之度不可欺以長短官事至

重古法雖聖猶試故令丞相設四科之辟以博選異德名士稱才量能不宜者還故官第一科曰德行高妙志

節清白二科曰學通行修經中博士三科曰明曉法令

足以決疑能案章覆問大中御史四科曰剛毅多略遭

事不惑明足以照姦勇足以決斷才任三輔令按漢大類聚引

此文輔下有劇字皆試以能信然後官之第一科補西曹南閣

祭酒二科補議曹三科補四辭八奏四科補賊決其以

詔使案事御史為駕一封行赦令駕二封皆特自奏事

欽定四庫全書

漢官舊儀

十

各以所職劾中二十石以下選中二十書佐試補令史

令史皆斗食遷補御史令史其欲以秩留者許之歲舉

秀才一人廉吏六人

丞相典天下誅討賜奪吏勞職煩故吏眾

君侯月一行屯衛騎不以車衛士初至未入君侯到都

門外勞賜吏士

武帝元封五年初分十三州刺史假印綬有常治所按漢

志書太守都尉之治而刺史無有故沈約劉昭皆以為傳車周流無常治所但刺史行部必待秋分則秋分以

前當居何所耶漢書朱博傳博遷冀州刺史敕告吏民欲言二十石墨綬長吏者使者行部還詣治所師古曰

治所刺史所止理事處是刺史本有治所漢志特畧而不載耳舊儀所云可取證也奏事各有常

會擇所部二十石卒史與從傳食比二十石所傳刺史

奏幽隱奇士拜為三輔縣令比四百石居後六卿一切

舉試守令取徵事○本注曰徵事比六百石皆故吏二

千石不以賊罪免除降秩為徵事

郡國守丞長史上計事竟遣君侯出坐庭上親問百姓

所疾苦計室掾史一人大音者讀勅畢遣勅曰詔書數

漢官舊儀

十一

下禁吏無苛暴丞長史歸告二十石凡民所疾苦急去

殘賊審擇良吏無任苛刻治獄決訟務得其中明詔憂

百姓困於衣食二十石帥勸農桑思稱厚恩有以賑贍

之無煩擾奪民時公卿以下務飭儉恪今俗奢參過制

度日以益甚二十石務以身帥有以化之民冗食者謹

以法養視疾病致醫藥務活之詔書無飾尉傳增養食

至今未變或吏尤過度甚不稱歸告二十石務省約如

法且案不改者長吏以聞守寺卿亭漏敗垣墻圯壞所

治無辨護者不稱任先自劾不應法歸告二千石勿聽

惟神爵三年十月甲子丞相受詔之官按百官公卿表神爵三年四月

戊戌御史大夫丙吉為丞相與此文月日不合皇帝延登親詔之曰君其進虛

受朕言朕鬱于大道獲保宗廟兢兢師師夙夜思過失

不遑康寧畫思百官未能綏於戲丞相其帥意無怠以

補朕闕於戲羣卿大夫百官慎哉不曷于職厥有常刑

往悉乃心和裕開賢俾之反本又民廣風一俗靡諱朕

躬天下之眾受制於朕丞相可不慎歟於戲君其誠之

欽定四庫全書漢書卷之十三

丞相府官奴婢傳漏以起居不擊鼓官屬吏不朝旦白

錄而已諸吏初除謁視事問君侯應閤奴名白事以方

尺板叩閤大呼奴名君侯出入諸吏不得見見禮如師

弟子狀掾史有過君侯取錄推其錄三日白病去

御史衛尉寺在宮中亦不鼓

詔書下朱鉤施行詔書下有違法令施行之不便曹史

白封還尚書對不便狀

丞相有病皇帝法駕親至問病從西門入即薨移居第

中車駕往弔賜棺斂具贈錢葬地葬日公卿以下會送

有天地大變天下大過皇帝使侍中持節乘四白馬賜

上尊十斛按藝文類聚引此文尊下有酒字養牛一頭策告殃咎使者

去半道丞相上病使者還未白事尚書以丞相不起病

聞丞相不勝任使者奉策書駕驪駱馬即時布衣步出

府免為庶人丞相有他過使者奉策書駕驪駱馬即時

步出府乘棧車牝馬歸田里思過日食即日下赦曰制

詔御史其赦天下自殊死以下及吏不奉法乘公就私

欽定四庫全書漢書卷之十三

凌暴百姓行權相放治不平正處官不良細民不通下

失其職俗不孝弟不務于本衣服無度出入無時衆彊

勝寡盜賊滋彰丞相以聞於是乃命刺史出刺并察監

御史元封元年御史止不復監後御史職與丞相參增

吏員凡三百四十一人分為吏少史屬亦從同秩補率

取文法吏

廷尉正監平物故以御史高第補之御史少史行事如

御史少史有所為即少史屬得守御史行事如少史少

史秩比六百石御史少史物故以功次徵丞相史守御史少史所代到官視事得留罷中二千石詹事水衡都

尉

丞相史物故調御史少史守丞相史若御史少史監祠

寢園廟調御史少史屬守不足丞相少史屬為倖事已

罷

丞相刺史侍御史皆稱卿不得言君

御史中丞督司隸司隸督司直司直督二千石以下至

欽定四庫全書

漢官舊儀

十四

黑綬按北堂書鈔引漢舊儀作司隸督丞相丞相督司直司直督刺史刺史督二千石云云與此文畧異

又御史中丞上有武帝時三字

大夫見孝廉上計丞長史皆放官司馬門外比丞相掾

史白錄

御史大夫寺在司馬門內門無塾門署用梓板不起郭

邑題曰御史大夫寺

大夫初拜策曰惟五鳳三年正月乙巳御史大夫之官

按百官公卿表五鳳三年六月辛酉西河太守杜延年為御史大夫與此文月日不合 皇帝延登

親詔之曰御史大夫其進虛受朕言朕鬱于大道獲保

宗廟兢兢師師夙夜思已失不遑康寧書思百姓未能

綏於戲御史大夫其帥意盡心以補朕闕於戲九卿羣

大夫百官慎哉不勗於厥職厥有常辟往悉乃心和裕

開賢俾賢能反本又民靡諱朕躬天下之眾受制于朕

以法為命可不慎歟於戲御史大夫其誠之教上計丞

長史曰詔書數下布告郡國臣下承宣無狀多不究百

姓不蒙恩被化守丞長史到郡與二千石力為民興利

欽定四庫全書

漢官舊儀

十五

除害務有以安之稱詔書有郡國茂材不顯者言上殘

民貪汚煩擾之吏百姓所苦務勿任用方察不稱者也

漢官舊儀卷上

欽定四庫全書

漢官舊儀卷下

漢 衛宏 撰

中宮及號位

皇后稱中宮

婕妤見大長秋稱皇后為婕妤下與坐稱起禮比丞相

嬪娥見女御長稱謝按漢書庾太子傳長御倚華如淳注引漢儀注云女長御比侍中皇

后見嬪娥以下長御稱謝與此文相合惟禮比將軍御

御長作長御稍異又鄭氏云長音如長者

欽定四庫全書

漢官舊儀

卷下

史大夫昭儀見稱謝比中二千石貴人見稱皇后詔曰

可禮比二千石美人無數婕妤以下皆居掖庭置令丞

廬監宦者女御長如侍中

皇后一人婕妤以至貴人皆至十數美人比侍詔無數

元帝成帝皆且十人

侍中左右近臣見皇后如見按非堂書鈔引此婕妤行

則對壁坐則伏茵皇后婕妤乘輦餘皆以茵四人與以

行

本無此條

皇后玉璽文與帝同皇后之璽金螭虎紐 本注曰一

皇后春桑皆衣青手采桑以繅三爰蠶按藝文類聚引此文作三盆

羣臣妾從春桑生而皇后親桑於苑中蠶室養蠶十

薄以上祠以中牢羊豕祭蠶神曰苑窳婦人寓氏公主

凡二神羣臣妾從桑還獻于蠶觀皆賜從採桑者樂皇

后自行凡蠶絲絮織室以作祭服祭服者冕服也天地

宗廟羣神五時之服按後漢書東平王蒼傳五時衣各一襲李賢注謂春青夏朱李夏黃

欽定四庫全書

漢官舊儀

卷下

秋白冬黑晉書職官志有五時朝服蓋朝祭皆以為法服也藝文類聚引此文羣神作羣臣誤皇帝得

以作縷縫衣皇后得以作巾絮而已置蠶官令丞諸天

下官下法皆詣蠶室與婦人從事故舊有東西織室作

治

皇后五日一上食食賜上左右酒肉留宿明日旦歸

中宮

皇帝聘皇后黃金萬斤按漢書王莽傳故事聘皇后黃金二萬斤為錢二萬萬與此文

疑萬上脫二字

立皇后太子大赦天下賜天下男子爵女子牛酒繒帛夫增秩

掖庭令晝漏未盡八刻廬監以茵次上婕妤以下至後庭訪白錄所錄所推當御見刻盡去簪珥蒙被入禁中五刻罷即留女御長入扶以出御幸賜銀鐶令書得鐶數計月日無子罷廢不得復御

宮人擇官婢年八歲以上侍皇后以下年三十五出嫁乳母取官婢

欽定四庫全書

漢官舊儀

三

皇太子稱家動作稱從

皇太子黃金印龜紐印文曰章下至二百石皆為通官印

太傅一人真二千石禮如師亡新更為太子師中庶子

五人職如侍中秩六百石

中尚翼中涓如中黃門皆宦者

門大夫比郎將

洗馬職如謁者十六人選郎中補也

庶子舍人

按續漢書百官志太子庶子太子舍人為兩官此書庶子已別見後條此條庶子二字疑當作

太子四百人

按四百人三字疑衍如郎中秩比二百石無員多至

四百人亡新改名為翼子

率更令秩千石主庶子舍人更直亡新改為中更丞一

人秩四百石

家令秩千石主倉獄亡新改為中更

家府比二千石

僕秩千石主馬

欽定四庫全書

漢官舊儀

四

庶子秩比四百石如中郎無員亡新改為中翼子

衛率秩比千石丞一人主門衛

食官令秩六百石丞一人

中盾秩四百石主周衛徵循

庶子舍人五日一移主率更長三不會輒斥官奴擇給

書計從侍中以下為倉頭青犢與百官從事從入殿中

省中待使令者皆官婢擇年八歲以上衣綠

按綠字疑綠字之記

曰宦人不得出省門置都監老者曰婢婢教宦人給使

尚書侍中皆使官婢不得使宦人奴婢欲自贖錢千萬
免為庶人宮殿中宦者署郎署皆官奴婢傳言曰作者
歌傳以呼召侍中以下署長 本注曰宦者及郎署長
各顧門戶擇官奴赤幘部領作者掃除曰正 本注曰
歌傳取於雒陽古周時傳呼聲法 按此注當在歌
傳以呼召句下
天子六殿未央殿承華殿駒駘殿路軫殿騎馬殿大殿
馬皆萬疋

中黃門駙馬大宛汗血馬乾河馬天馬果下馬 本注

欽定四庫全書 漢官舊儀 卷下 五

曰果下馬高三尺駕輦大宛汗血馬皆高七尺乾河馬

華山神馬種也

長安城方六十里 按後漢書郡國志京兆尹條下注經
云長安城方六十三里漢志似誤

緯各十五里十二城門積九百七十三頃百二十亭長

安城方六十里中皆屬長安令置左右尉城東城南置

廣部尉城西北置明部尉凡四尉

皇后太子各食四十縣曰湯沐邑 按藝文類聚引
此文作三十縣

帝子為王王國置太傅相中尉各一人秩二千石以輔

王僕一人秩千石郎中令秩六百石置官如漢官官吏
郎大夫四百石以下自調除國中漢置內史一人秩二
千石治國如郡太守都尉職事調除吏屬相中尉傳不
得與國政輔王而已當有為移書告內史內史見傳相
中尉禮如都尉太守 按太守當
作太傅 相置長史中尉及內史
令置丞一人皆六百石成帝時大司空何武奏罷內史
相如太守中尉如都尉參職是後相中尉爭權與王通
相奏常不和

欽定四庫全書 漢官舊儀 卷下 六

王子為侯

侯王歲以戶口酎黃金獻于漢廟皇帝臨受獻金以助

祭大祠曰飲酎飲酎受金小不如斤兩色惡王奪戶侯

免國

漢承秦郡置太守治民斷獄都尉治獄都尉治盜賊甲

卒兵馬

民年二十三為正一歲而以為衛士一歲為材官騎士

習射御騎馳戰陣八月太守都尉令長相丞尉會都試

課殿最水處為樓船亦習戰射行船

邊郡太守各將萬騎行障塞烽火追虜置長史一人掌

兵馬丞一人治民當兵行長史領置都尉千人司馬

候農都尉皆不治民不給衛士材官樓船年五十六老

衰乃得免為民就田里民應令選為亭長

亭長課射游徽微循尉游徽亭長皆習設備五兵五兵

弓弩戟盾刀劍甲鎧鼓武字行吏亦幘大冠行滕帶劍佩

刀持盾被甲設矛戟習射按此文原本自甲鎧鼓以上為一條而武吏亦幘大冠以

欽定四庫全書

漢官舊儀

卷下

下別為一條今考北堂書鈔引此文云亭長習設五兵五兵言弩戟刀劍鎧也其於五兵不數盾者蓋傳寫脫漏而並不及鼓則鼓字自當屬下文讀續漢書志注引此亦作鼓吏亦幘云云無武字原本既分為兩條又衍俱誤

設十里一亭亭長亭候五里一郵郵間相去二里半司

姦盜亭長持三尺板以劾賊索絕以收執盜

舊制尉皆居官署有尉曹官中領平鑠署按此句疑有脫誤

更令吏曰令史丞吏曰丞史尉吏曰尉史捕盜賊得捕

格

縣戶口滿萬置六百石令多者千石戶口不滿萬置四

百石三百石長大縣兩尉小縣一尉丞一人三百石丞

縣長黃綬皆大冠亡新令長為宰皆小冠號曰夫子亡

新時有五百石八百石府下置詔獄 本注曰府河南

府也鄧展曰舊洛陽有兩獄

建始二年按元帝紀建昭二年三月益三河大郡太守秩成帝建始二年並無益秩之文建始當作

昭益三河及大郡太守秩 本注曰十二萬戶以上為

大郡太守小郡守遷補大郡

欽定四庫全書

漢官舊儀

卷下

元朔三年以上郡西河為萬騎太守月奉二萬綬和元

年省大郡萬騎員秩以二千石居

舊制令六百石以上按今字疑當作吏尚書調拜遷四百石長

相至二百石丞相調除中都官百石按漢書師古注中都官京師諸官府

大鴻臚調郡國百石二十石調哀帝時長相皆黑綬亡

新吏黑綬有罪先請與廉吏同按宣帝紀黃龍元年詔曰舉廉吏誠欲得其真

也吏六百石位大夫有罪先請秩祿上通足以效其賢才自今以來毋得舉據此則有罪先請為吏六百石以上不得復舉考慮者此文乃曰與廉吏同未詳其義疑上下文有脫誤

內郡為縣三邊為道皇后太子宫主所食為邑

算民年七歲以至十四歲出口錢人二十三以食天子

按句首脫二其三錢者武帝加口錢以補車騎馬通稅

又令民男女人十五以上至五十六賦錢人百二十為

一竿以給車馬民田積芻粟以給經用備凶年山澤魚

鹽市稅以給私用按武帝紀太初二年籍吏民馬補車

買馬難得於是有所謂馬口錢者此也其後昭帝省乘輿

馬及苑馬元鳳二年詔郡國無斂馬口錢前後漢書並

無以口錢補通稅之文通稅乃逐年收責不籍口賦錢

欽定四庫全書

九

補也此條所云以補車騎馬通稅當是明時校錄者緣

先武紀建武二十二年口賦通稅勿收責一條注中引

漢儀注牽連通漢舊制天下郡國凡百六邑侯國凡八百上林苑中

昆明池鎬池年首諸池取魚鼈給祠祀用魚鼈千枚以

上餘給太官

上林苑中以養百獸禽鹿嘗祭祠祀賓客用鹿千枚麋

兔無數飲飛具繒繳以射鳧鴈應給祭祀置酒每射收

得萬頭以上給太官

上林苑中天子秋冬射獵取禽獸無數實其中離宮觀

十七所皆容千乘萬騎

武帝時使上林苑中官奴婢及天下貧民貧不滿五千

徙置苑中養鹿因收撫鹿失人日五錢到元帝時七十

億萬以給軍擊西域

古者諸侯治民周以上八百諸侯其長伯為君次仲

叔季為卿大夫支屬為士庶子皆世官位至秦始皇帝

滅諸侯為郡縣不世官守相令長以他姓相代去世卿

欽定四庫全書

漢官舊儀

十

大夫士

漢承秦爵二十等以賜天下爵者祿位也

公士一爵賜爵一級為公士謂為國君列士也

上造二爵賜爵二級為上造上造乘兵車也

簪褭三爵賜爵三級為簪褭

不更四爵賜爵四級為不更不更主一車四馬

大夫五爵賜爵五級為大夫大夫主一車屬三十六人

官大夫六爵賜爵六級為官大夫官大夫領車馬